



TUSAGASSIUUTINUT NALUNAARUT

Soraarnerussutisiaqalernissamutaaqqissuussinermut peqataasussaatitaaneq

Ulloq 1. januar 2018 soraarnerussutisiaqalernissamut aaqqissuussinermut peqataasussaatitaaneq pillugu Inatsisartut inatsisaat atuutilerpoq. Inatsit imminut pilersornerup annertunerulernissaanik Naalakkersuisut periusissiaanut pingaarutilimmik ilaavoq. Inatsit naapertorlugu innuttaasoq nammineq soraarninngornissamut sipaaruteqarnissamut pisussaaffilerneqarpoq, taamaalilluni innuttaasut tamarnik annertunerusumik utoqqalinissaminni imminnut pilersorsinnaangussallutik.

Innuttaasut 80 %-init amerlanerusut soraarnerussutisianik aaqqissuussinermut pingitsoornani ilaanissaq pillugu Inatsisartut inatsisaat nr. 21, ulloq 28. november 2016-imeersoq naapertorlugu soraarnerussutisiassanik sipaarnissamut pisussaaffitsik naammassivaat. Taakku ilimagineqaqqaartunit amerlanerupput.

Aaqqissuussinerulli atuunnerani ukiumi siullermi Akilerartarnermut Aqutsisoqarfiup naatsorsugaani kukkunernik arlalinnik aamma nassaartoqarpoq. Innuttaasut arlallit 2020-mut skattekortiminni akileraarutissatut procentimik kukkusumik qaffaavigineqarsimanerannik tamanna nassataqarpoq. Akilerartarnermut Aqutsisoqarfiup kukkuneq utoqqatsissutigaa, maannalu kukkuneq aaqqiiviginarlugu ulapputtoqarpoq.

Innuttaasulli 2020-mut skattekortiminni qaffatamik procentimik akileraarusiisumik pissarsisut amerlanerpaat skattekortimik eqqortumik pissarsipput, innuttaasummi taakku soraarnerussutisiaqalernissamut aaqqissuussinermut akilersuinissamut naammassinninngillat.

Akilerartarnermulli Aqutsisoqarfiup unamminartut makku siumorpai:

- Sulisitsisunit aqunneqartunik aaqqissuussinerit: Akilerartarnermut Aqutsisoqarfik sulisitsisut nalunaarsuutaat toqqammavigalugit naatsorsuusiortarpoq. Pisuni arlalinni sulisitsisut innuttaasut soraarnerussutisiatut katersaannut eqqortumik **akiliisoqartarpoq**, taamaattoq Akilerartarnermut Aqutsisoqarfimmu eqqunngitsumik **nalunaarutiginnittoqartarluniluunniit** nalunaarutiginnittoqarneq ajorpoq. Siunissami Akilerartarnermut Aqutsisoqarfiup ilaatigut sulisitsisunik annertusisamik ilitersuinermik suliaqassaaq, kiisalu sulisitsisut nalunaarsuutaat soraarnerussutisianik katersiviit nalunaarutaannut sanillersuullugit nakkutigisassallugit.

- Naalagaaffiup Kalaallit Nunaanni tjenestemandit atorfartitai: Akileraartarnermut Aqutsisoqarfiup naatsorsukkani sulisitsisut tjenestemandit akiliutaat pillugit paasissutissiisutaannik toqqammaveqartittarpaa. Aningasaat kukkuluttornikkut tjenestemandit akiliutaattut nalunaarsorneqartanngitsut, arlalitsigut paasineqarpoq. Taamaammat tjenestemandit taakku eqqunngitsumik pinngitsoornani soraarnerussutisiassanik katersisussaasutut inissisimapput. Akileraartarnermut Aqutsisoqarfiup qitiusumi paasissutissanik toqqammaviit eqqortunngortinneqarnissaat sulissutigaa, taamaalilluni naalagaaffiup tjenestemandit atorfartitaasa tjenestemandit akiliuteqarnertik pissutigalugu peqataasussaajunnaarsinneqassallutik.
- Innuttaasut piffissaq eqqorlugu uppernarsaatiniq eqqortunik nassitsisut: Innuttaasut uppernarsaatiniq naammattunik nassitsinikut qarasaasiani kukkuluttornikkut procentimik akileraarutissaminik qaffaavigineqarput. Akileraartarnermut Aqutsisoqarfiup atortorissaarutini kukkuneq skattekortillu kukkunillit aaqqinniarlugit innuttaasullu sapinngisamik piaarnerpaamik nutaamik nassinneqarnissaat siunertarlugit sulivoq.

Uppernarsaasiinissamik nalornissuteqarneq

Peqatigisaanillu innuttaasut amerlasuut soraarnerussutisianut katersivinnut akiliutimik qanoq uppernarsaasernissaa nalornissutigigaat Akileraartarnermut Aqutsisoqarfiup paasivaa. Akileraartarnermut Aqutsisoqarfik uppernarsaasiisarneq pillugu saaffiginnissutini arlalinnik tigusaqarpoq, uppernarsaatiniillu naammangitsut pillugit saaffigineqarluni.

Akileraartarnermut Aqutsisoqarfiup aningaaserivinnit Kalaallit Nunaanni angerlarsimaffilinnit kiisalu Kalallit Nunaanni Qallunaallu Nunaanni soraarnerussutisianit aqutsisut uppernarsaasiussat akuerisarai. Assersuutigalugu netbankimit uppernarsaatit aniatitat innuttaasup aqqa atorlugu soraarnerussutisianik aaqqissuussanut nuussinerit pisimasut erseqqissumik takussutissaqarpat, taakku akuerineqarsinnaapput.

Uppernarsaatit assersuutit tulliuttut akuerineqarsinnaanngillat:

- Akissarsiat allagartaasa assilineri. Akileraartarnermut Aqutsisoqarfiup naatsorsuinini sulisitsisut Akileraartarnermut Aqutsisoqarfimmut nalunaarutaat toqqammavigalugit ingerlattarpaa. Sulisitsisup Akileraartarnermut Aqutsisoqarfimmut nalunaarutai sulisitsisullu sulisartumut nalunaarutai (akissarsiat allagartaat) assigiinngissappata, sulisitsisup Akileraartarnermut Aqutsisoqarfimmut nalunaarutai tunngavissaatinneqartarput. Innuttaasut akissarsiamik allagartaani

paasissutissiissutininik isumaqataangitsut sulisitsisuminnut saaffiginninnissamik qinnuigineqarput.

- Netbankimit assilissap anillatinnera innuttaasup aqqa atorlugu soraarnerussutisianik katersivimmut nuussinermik paasissutissanik amigaatilik. Assersuutigalugu kontomut aternik allassimasoqangitsumut nuussineq akuerineqarsinnaangilaq.
- Kalaallit Nunaanni aningaaserivunngitsuni, kiisalu kalaallit qallunaallu soraarnerussutisianit aquneqangitsuni soraarnerussutisianik aaqqissuussinerit akuerineqangillat.

Procentip akilaraartuassup annertusinera

Innuttaasut soraarnerussutisiassanut sipaarnissamut pisussaaffimmik eqqortitsinngitsut ukiumi isertitaqarfiusumi kingusinnerusumi procentimik akilaraartuassaminnik qaffaavigineqassapput. Soraarnerussutisiassamik sipaarnissamut pisussaaffimmik naatsorsuineq, innuttaasut ataasiakkaat ukiumut isertitaanik naatsorsuinnermik toqqammaveqartinneqartarpoq. Taamaammat naatsorsuineq kipungasarpoq, assersuut takuuk:

Ukiumut isertitaqarfiusumut **2018**-imut ukiumoortumik naatsorsugaq august **2019**-imi nassiunneqartarpoq. Soraarnerussutisiaqalernissamut aaqqissuussinnermut peqataasussaataitanermut attuumassuteqartut, ukiumut isertitanik naatsorsukkanik nassiussinnermi ilanngunneqartarpoq. 2018-imut soraarnerussutisianut pisussaaffimmik naammassinninnginnermi ukiumi akilaraartuassumi tullermi procenti akilaraartuassuq qaffanneqassaaq, assersuummilu uani taanna **2020**-miussaaq.

Innuttaasut ataasiakkaat soraarnerussutisiassanik katersinissamut pisussaaffimminik naammassinninnissaat qulakkeerniarlugu, Akilaraartarnermut Aqutsisoqarfiup procenti akilaraartuassuq 2020-mi 6 %-inik qaffassinnaavaa. Aningaasat qaffaassutit innuttaasup aqqa atorlugu soraarnerussutisianik aaqqissuussamut nuunneqassaaq.

Procentimut akilaraartuassumut qaffaassutit Akilaraartarnermut Aqutsisoqarfiup nittartakkakkut quppernerani uani takuneqarsinnaapput:

<https://aka.gl/kl-GL/Borger/Pension/Obligatorisk-pension/Indbetalingssatser-og-ops>

Immikkut akuerineqarnissamut periarfissaq

Ukiumut nalunaarsuiffimmi soraarnerussutisiatut katersinissamut pisussaaffimmik naammassinnittoqanginnera paasinarsippat, innuttaasut naammassinninnerminut uppernarsaatiniq nassitsinissamut sapaatip akunnerinik sisamanik periarfissinneqartarpoq. Akilaraartarnermut Aqutsisoqarfik piffissami

immikkut akuersissuteqarfiusup iluani naammattunik uppersaatinik tigusaqarpat, procenti akileraarutaasoq qaffanneqassanngilaq.

Aaqqissuussinerup atuunnerani ukiuni siullerni Akileraartarnermut Aqutsisoqarfik uppersaatinik nassitsinissamut immikkut ittumik 4. december 2019 angullugu periarfissiivoq. Piffissap immikkut akuersissuteqarfiusumi annertusisami qarasaasiami kukkunerit pissutigalugit inuutaasut paasissutissanik kukkusunik tigusaqarsimasut periarfissinnaannik Akileraartarnermut Aqutsisoqarfiup qulakkeerinnikkumaneramik patsiseqarpoq.

Akileraratarnermut Aqutsisoqarfiup soraarnerussutisianut katersivinnut akiliutitut uppersaatiit akuerereeraluarlugit, ajoraluartumik skattekortinik procentinik akileraarutissanik qaffaaffiusunik kukkunikkut nassitsisoqarsimasoq Akileraartarnermut Aqutsisoqarfiup paasivaa.

Kisitsisit pingaarnerit

2018-imut ukiumut nalunaarsuutinik nassitsinermi, innuttaasut amerlanerpaartaasa soraarnerussutisianut katersinissamut pisussaaffitsik naammassisimagaat Naalackersuisut nuannaarutigalugu paasivaat.

	Amerlassutsit	Procentit
Naammassinnittut*	34.094	82,8 %
Immikkut akuersissuteqarluni suliarineqartut**	566	1,4 %
Naammassinninngitsut	6.628	16,1 %
Innuttaasut sipaaruteqarnissamik pisussaaffillit katillugit amerlassusaat	41.288	100 %

*) 1.000 kr-t qummut tikillugit sipaagaqanngitsoortut naammassinnittutut isigineqartarput.

**) Immikkut akuersissuteqarfiit pillugit saaffiginnittut arlallit ilaannakortumik naammassinninnermik takutitsipput. Ass.: Pisussaaffik 5.000 kr-it, taamaallaalli 4.000 kr-nik uppersaatinik nassitsisoqarpoq.

Innuttaasut soraarnerussutisiassanut katersinissamut pisussaaffimmik naammassinninngitsut

Innuttaasut 2018-imut - 2018-ip ingerlanerani piffissamiluunniit immikkut akuersissuteqarfiusup ingerlanerani - soraarnerussutisiassanik katersinissamut pisussaaffimmik naammassinninngitsut. Innuttaasut taakku 2020-mi procentimik akileraarutissaminnik qaffaavigineqassapput. 2018-imut tunngatillugu soraarnerussutisiamik katersinermik aaqqissuussamut akiliinissamut pisussaaffimmut immikkut akuerseqqittoqarsinnaanngilaq. Tassa: piffissap immikkut akuersissuteqarfiusup qaangiunnerani immikkut ittumik akiliisinaanermut periarfissiisoqarsinnaanngilaq.

Kingusinaarlunili soraarnerussutisianut aaqqissuussinermut akiliutit annaaneqarsinnaanngillat. 4. decemberimit 31. december 2019-ip tungaanut immikkut ittumik akiliutit 2019-imi pisussaaffinnut ilanngullugit naatsorsorneqassapput. 2020-mi soraarnerussutisianut katersinermut aaqqissuussamut nalinginnaasumik akiliutit taamaalilluni 2020-mi pisussaaffimmut ilanngullugu naatsorsuunneqassaaq.

Soraarnerussutisiaqalernissamut aaqqissuussinermut peqataasussaataaneq pillugu paasissutissat erseqqinnerusut Akileraartarnermut Aqutsisoqarfiup nittartakkakkut quppernerani uani takuuk:

<https://aka.gl/kl-GL/Borger/Pension/Obligatorisk-pension>

Attaveqaat:

Rannvá Clementsen, Akileraartarnermut Aqutsisoqarfik

ranv@nanoq.gl

Toqq./direkte 345610